

## UGOVOR O KUPOPRODAJI

zaključen između:

Medicinskog fakulteta Univerziteta u Sarajevu (u daljnjem tekstu: Kupac),

sjedište: Sarajevo, ulica: Čekaluša broj 90

koga zastupa: Prof.dr Almira Hadžović-Džuvo, Dekan fakulteta

Identifikacijski broj: ID 4200109670000,

i

„TAPETAR“ D.D. Sarajevo (u daljnjem tekstu: Prodavac/Dobavljač),

sjedište: ul. M.M.Bašeskije broj 53, 71000 Sarajevo

koga zastupa: vršioc dužnosti direktora - Lidija Simić

Identifikacijski broj: ID 4200682130001

transakcijski račun prodavca/dobavljača: 161-000-000-2540053

naziv banke prodavca/dobavljača: RAIFFEISEN Bank.

### Član 1.

Ugovorne strane reguliraju ovim ugovorom međusobna prava i obaveze u vezi isporuka roba: „Kupovina trakastih zavjesa“, prema vrsti, količini, kvaliteti i drugom utvrđenom u tehničkoj specifikaciji (Prilog:02-2-1-1034-1a/17) koja čini sastavni dio ovog Ugovora i koje će Prodavac isporučiti Kupcu u skladu s odredbama ovog Ugovora i sljedećim dokumentima koji čine sastavni dio ovog Ugovora u obliku njegovih priloga i to:

- Obrazac za dostavljanje ponuda Aneks 1 od 28.03.2017.godine (kopija),

- Obrazac za cijenu ponude -roba Aneks 2 broj 18-17 (kopija),

- Tehnička specifikacija Prilog: 02-2-1-1034-1a/17 (kopija),

-Odluka o izboru najpovoljnijeg ponuđača broj: 02-2-1-1720/17 od 06.04.2017.godine (kopija).

### Član 2.

Kupoprodajna cijena predmetne robe iz člana 1. ovog ugovora, za robu specificiranu u okviru postupka direktnog sporazuma broj 02-2-1-1034/17, a po ponudi prodavca od 28.03.2017.godine, iznosi 780,97 KM sa PDV-om.

### Član 3.

Prodavac se obavezuje da će robu iz člana 1. ovog ugovora predati kupcu u roku od 5 dana računajući od dana obostranog potpisa ovog ugovora i izdavanja narudžbenice, te da će u istom roku navedenu robu u postaviti/ugraditi na odgovarajući način na lokaciji koju odredi Kupac. Predaja robe će se izvršiti u prostorijama kupca, ulica Čekaluša broj 90, Sarajevo, obavezno u prisustvu odgovorne osobe određene ispred ugovornog organa (Admir Filipović). Kvalitativni prijem robe iz ovog ugovora kupac se obavezuje obaviti odmah po prijemu robe ili najkasnije u roku od 7 dana od dana prijema robe ako to zatraži predstavnik ugovornog organa (Admir Filipović). U slučaju da se utvrde nedostaci na robi ili da roba ne odgovara tehničkoj specifikaciji koja je sastavni dio ovog ugovora, kupac će odbiti prijem robe i zahtijevati isporuku specificirane robe. Prodavcu će se dati dodatni rok od 24 sata da isporuči robu koja zadovoljava sve uslove iz tehničke specifikacije. U slučaju neblagovremenog izvršavanja obaveza iz ugovora kupac zadržava pravo naknade materijalnih troškova koji su zbog neblagovremenog izvršavanja ugovornih obaveza nastali i pravo jednostranog raskida ugovora.

#### Član 4.

1. Prodavac je dužan ispostaviti fakuru za isporučenu robu.
2. Kupac se obavezuje da će ugovorenu cijenu iz člana 2. ovog ugovora isplatiti prodavcu u roku od 30 (trideset) dana od dana isporuke ugovorene robe i ispostavljene fakture.
3. Uplate iz stava 2. ovog člana izvršit će se na račun prodavaca „TAPETAR“ D.D. Sarajevo otvoren kod ovlaštene organizacije za platni promet tj. na račun broj 161-000-000-2540053 RAIFFEISEN Bank.

#### Član 5.

- Prodavac snosi odgovornost za materijalni nedostatak na prodatoj stvari.
- Ukoliko kupac blagovremeno obavijesti prodavaca o nedostatku može zahtijevati od prodavca da nedostatke otkloni ili da mu preda drugu stvar bez nedostataka (ispunjenje ugovora).
- Prodavac za isporučenu robu daje garantni rok od minimalno 12 (dvanaest) mjeseci.

#### Član 6.

1. Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.
2. Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava u Bosni i Hercegovini.

#### Član 7.

1. Izmjene i dopune ovog ugovora mogu se vršiti samo pismenim putem u formi Aneksa na ovaj ugovor. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.
2. Potpisnici ugovora u ime obje ugovorne strane parafirat će svaku stranu ovog ugovora.
3. Ovaj ugovor stupa na snagu danom potpisivanja od strane obje ugovorne strane.
4. Ako datum potpisivanja ugovora nije isti za obje ugovorene strane, kao datum potpisivanja ugovora smatrat će kasniji datum odnosno datum potpisivanja od strane one ugovorne strane koja ga je posljednja potpisala.

#### Član 8.

Prodavac/Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Kupca, najmanje šest mjeseci po zaključenju ugovora, odnosno od početka realizacije ugovora.

*Pisu*

*1  
10/10/11*

Član 9.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

**ZA PRODAVCA:**

Vršioe dužnosti Direktora

Lidija Simić

Lidija Simić

12. lipnja 2017.

186117

**ZA KUPCA**

DEKAN

Prof.dr. Almira Hadžović-Džuvo

02.2.1-1828/12-  
12.06.17 7